



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 1. Quam fidem in alio judicio faciant attestations receptæ, ac
publicatæ.

[urn:nbn:de:hbz:466:1-73001](#)

excepto, produceret novos testes contrariâ parte nihil in oppositum dicente, vel reclamante? Resp. tali casu valitaram ejusmodi productionem; quia pars tacens censetur non timere subornationem, ob quam alias non permittitur; tum quia præsumitur cedere juri suo non admittendi ejusmodi novam testium productionem, principaliter inducto in ejus favorem.

1709. Quæstio altera est, an partes publicatis Testium depositionibus, copiam earum justè pétant à Judice; & is concedere teneatur? Resp. quod sic; cum illis necessarium sit, ut in sua petitione, vel defensione possint rite instrui. Originalis tamen scriptura manet vel apud Judicem, vel (quod magis habet consuetudo, & juri conformius est) apud Notarium, tanquam scriptorem, per textum in c. II. de Testibus, ibi: *& omnia sic conscripta partibus tribuantur, ita, quod originalia penes scriptores remaneant, ut si super processu Judicis fuerit suborta contentio, per hoc possit veritas declarari.*

§. I.

Quam fidem in alio judicio faciant attestations recepta, ac publicata?

1710. Depositiones, seu attestations numerantur *inter acta causæ instrumentaria*, ut diximus n. 157. in fine; de his porrò jam probavimus in supra dictis à n. 161. quod fidem faciant etiam coram Judice subrogato; idque procedere, licet instantia perempta esset lapsu termini; ac prodesse non tantum litigantibus, sed etiam hæreditibus, & successoribus. Debet autem intelligi, quod faciant fidem in eadem causa, inter easdem personas, etiam coram alio Judice, ut constat ex c. ult. de probat. à nobis relato supra n. 161. etiamsi depositiones receptæ fuerint coram Arbitris commissariis, ut patet ex c. Præsentata. 50. b. t.

Cum enim Sueffionensis Archidiaconus, & Capitulum S. Petri ibidein super controversia inter ipsos vertente, tres arbitros elegissent, iisque productis jam testibus, eorumq; deposi-

tionibus publicatis, & in scripta redactis, assignatis sententiam proferre deberent, uno ex illis mortuo, & aliò ad Episcopatum per duodecim leucas distantem assumpto, arbitrium expirasse videretur: Pontifex re ad se delatâ præfatis Judicibus causam commisit terminandam, datâ Capitulo optione, ut vel recipiant depositiones priores testium contra se productorum; vel consentiant, ut iidem denuo admittantur, salvo jure opponenditam in personas testium, quam in jura. Ex hac enim resolutione Pontificia communiter deducunt Juris interpres, quod attestations receptæ per arbitrum, juxta dicta, fidem faciant in judicio, si testes mortui sint; si autem vivant, esse in optione illius, contra quem producuntur, an velit attestations recipere? an testes de novo producere? Dixi: *si vivant.* Nam reproductionis tempore mortuis, etiam Adversario reluctante, fides illis adhibetur, per Mascalum de Probat. conclus. 33. n. 12. quod recipiunt aliqui, ut probent priores testium depositiones, etiam absq; repetitione, si ab Adversario acceptatae sint.

Quæstio est, an hoc procedat de attestations in unō judicio receptis, sed non publicatis in eodem? Videtur dicendum negativè ex c. causam. 19. b. t. ibi: *& attestations etiam publicata; & gloſſ. in c. fin. de probat. V. proponenda; & in c. inter dilectos, §. porrò, de fide instrumentorum, V. nōcumentum;* id ipsum autem colligitur ex cit. c. 50. ubi exp̄s̄ sermo est, de attestations publicatis, ibi: *qui, cum suscep̄to arbitrio adeo in negotiō processissent, quod productis testibus, & depositionibus publicatis, receptisq; allegationibus utrorumque, & actis omnibus reductis in scriptis, sigillorum suorum impressione signatis, arbitrium proferre deberent.* Et ratio est, quia nōvus Judex non habet notitiam de qualitate testium, atq; adeo vi probationum, desumptarum ex eorum depositione. Hæc tamen intellige juxta limitationes à nobis factas in præcedentibus.

Quæ-

1712. Quæstio ulterior est, an Testes, in alio judicio produeti, ut repetantur eorum attestations, rursum debeant *jurare*, licet prius juraverint coram arbitro compromissario? Resp. quod sic; nam licet acta *instructoria*, seu decisoria litis probent etiam in alio judicio, quin in hoc repetantur; secus tamen est de actis ordinariis judicii; ut docet Abbas in *cit. c. Presentata. 50. b. t. n. 6.* & Felinus *n. 7.* cum textus in *dict. c. 50.* solum loquatur de actis *instructoriis*; hinc cum transeundo ad aliud judicium, sublata sit prior instantia, & hanc sublatam debeat iterum præstari juramentum (ut patet in causa appellatio-*nis ex c. 2. de juramento calumniae*) juramentum testium repeti debebit in nova instantia; sic Abbas in *cit. c. 50. n. 11.*

§. 2.

An nulla depositio testium, prius non publicata, fidem faciat in alio judicio?

1713. Respondeo id, quod diximus *n. 1711.* depositiones testium receptas in uno judicio, sed non publicatas in eodem, non facere fidem in alio judicio, in aliquot casibus limitari. 1. ut non procedat in Judice subrogato, qui scilicet priori ante latam sententiam substitutus est; quia subrogatus censetur tanquam idem cum priori, ut colligitur ex *L. Mortuo. 60. ff. de judiciis*, ibi: *mortuo judice, quod eum judicare oportuerat, idem eum, qui ei subditus est, sequi oportet*; ubi glossa *lit. E. subditus* *Judex* dicitur; qui loco mortui datur iis, qui eum habuerunt Judicem in aliqua re, vel lite; quod etiam habetur *L. proponerebatur, 76. ff. eod.* ibi, proponebatur, ex his judicibus, qui in eandem rem dati essent, nonnullos causâ auditâ excusatos esse: inque eorum locum alios esse sumptos: & *quererabatur, singulorum judicum mutatio eandem rem, an aliud judicium fecisset?* Respondi, non modò si unus, aut alter, sed & si omnes judices mutati essent: tamen & rem eandem, & judicium idem, quod ante*a fuisse, permanere.*

1714. Deinde probabilitate non caret eo-

rum opinio, qui tradunt, attestations etiam non publicatas in priori judicio, fidem facere in alio, si publicentur in isto ex scriptura Notarii super iis confecta in priori judicio; tum quia vis probationum non pendet à publicatione (quæ solum facit, ut super iisdem disputetur) sed ex qualitate *Testium*, & *authoritate Notarii*; tum quia publicatio attestations non est coarctanda, sed potius amplianda ad eum, à quo, prout per Notarium descriptæ sunt, publicentur.

Limitari debet 2. ut non procedat, si factis legitimè testificationibus, ante publicationem mortui sint testes, vel in longinquum abiverunt; sic Felinus in *dict. c. causam, n. 15.* Deinde, si ante litem contestatam recepti sint ad perpetuam rei memoriam testes senes, valetudinarii, vel ex alia causa; sic Felinus *cit. n. 12.* 3. ut non procedat, si consentiente parte Judex publicare velit attestations receptas à priori Judice; nam hac ratione consentiens cedit juri suo; sic Farinacius, *de Testibus, 75. n. 25.* & alii.

§. 3.

An attestations testium receptæ inter partes principaliter litigantes, publicanda sint ad petitionem interventientis tertii?

Ante resolut. not. quod *interventio* sit litis, inter alios agitatæ, proprio motu facta participatio, vel, ut dicunt alii, est *tertii alicujus ad causam, ab aliis motam, intercessio pro suo jure, litem etiam in se derivando*, quo distinguitur interventor (qui propriè *Tertius oppositor* hic dicitur) ab eo, qui intervenit, & alienam obligationem in se suscipit pro alio intercedendo, vel fidejubendo. Potest autem *Tertius* intervenire, vel solum *assister*, ut *Actori*, vel *Reo* assistat ratione sui interesse, ut colligitur ex *L. 5. ff. de appellat.* vel *principaliter*, ut pro suo interesse, & commodo litem in se assumat, excluso *Actore*, vel *Reo*; de quo *L. 14. ff. eod.*

Not. 2. *intercessionem fieri posse etiam coram Judice delegato, idq; propteræa, quod jura non admittant, ut con-*